

LH Observa Proposta OJE 2023, Oportunidade Governu Diversifika Ekonomia

Editor: Domingas Gomes

October 19, 2022



Foto: Especial

DILI, STLNEWS.co – Lao hamutuk (LH) observa iha proposta OJE tinan 2023, governu apresenta senariu ida hodi prolonga vida util husi Fundu Petroleu ate 2045, ida nee signifika iha oportunidade boot ba governu atu diversifika ekonomia, hodi hadia krizi neebe bele mosu bainhira Fundu Petroliferu mamuk iha tinan 2034, tuir predisaun Ministeriu Finansas nian.

“Sustentabilidade realidade situasaun finansiamentu estadu iha perigu nia laran, iha proposta OJE tinan 2023 governu apresenta senariu ida hodi prolonga vida util husi Fundu Petroleu ate 2045. Signifika sei iha oportunidade boot ba governu atu diversifika ekonomia hodi adia krizi neebe bele mosu bainhira hasoru rai naruk fiskal (fiscal cliff) neebe bainhira Fundu Petroliferu mamuk ona, bele akontese iha tinan 2034, tuir predisaun Ministeriu Finansas nian,” dehan Koordinator Lao Hamutuk, Celestino Gusmao Pereira, ba jornalista iha Salaun LH Bebora, Dili, Kurta nee (19/10/2022).

Nia dehan, Lao Hamutuk nia haree, modelu sustentavel liu, ida neebe governu apresenta iha Livru Relatoriu Proposta OJE 2023, atu prolonga Fundu Petroliferu too 2045, presiza redus despeza kada tinan 3% too 2034.

Lao Hamutuk konsidera laiha valor atu diskuti deit modelu sustentavel se la implementa. Nunee projesaun jeral neebe governu konsege fornese laiha konsistensia. Nunee sujere atu fornese ba PN no publiku projesaun lo-loos konaba despeza global no kustu ba kada programa ba tinan haat ba oin, atu ajuda kada deputadu foti desizaun ho matenek.

(san/mad)